



05317

篋中詞

蔣春霖鹿潭水雲樓詞

木蘭花慢

江行晚過北固山

泊秦淮雨霽又燈火送歸船正樹擁雲昏星垂野闊暝色浮天  
蘆邊夜潮驟起暈波心月影盪江圓夢醒誰歌楚些冷冷霜激  
哀絃 嬋娟不語對愁眠往事恨難捐看莽莽南徐蒼蒼北固  
如此山川鉤連憂無鐵鎖任排空檣櫓自回旋寂寞魚龍睡穩  
傷心付與秋煙子山子美把臂入林

浪淘沙

詞五

雲氣壓虛闌青失遙山雨絲風片一番番上已清明都過了只  
是春寒 華發已無端何況華殘飛來胡蝶又成團明日朱樓  
人睡起莫卷簾看鄭湛侯爲予言此詞本事蓋感兵事之連結人才之情愴而作

柳梢青

芳草閒門清明過了酒滯香塵白棟筩開海棠萼落容易黃昏  
東風唳陳斜曛任倚徧紅闌未溫一片春愁漸吹漸起卻似

春雲

自然

踏莎行

癸丑三月賦

疊砌苔深遮窗松密無人小院纖塵隔斜陽雙燕欲歸來卷簾  
錯放楊粵入 蜨怨香遲鴛嫌語澀老紅吹盡春無力東風一

仁和譚獻簞錄

今集五

夜轉平蕪可憐愁滿江南北

詠金陵淪陷事此謂詞史

瑤琴

敗荷

青房乍結夢醒江南又雨聲敲碎羅衣葉葉寒未翦亂壓一湖  
深翠月明歌斷更誰倚畫船閒醉膽數叢敗葦荒蘆含寫橫塘  
秋意飄零漫惜青衫算舞散湘皋都是憔悴鴛鴦自浴竟不  
管悄換西風塵世淒涼太液莫暗滴露盤清淚待幾時重展枯  
香斜日小橋魚市

一萼紅

牆角小梅未春忽放因憶東園萬樹摧殘可憐哀吟成調歌竟淒然

短牆陰怪東風未到春色已深深壓雪檐低垂蘿徑窄紅萼開  
倩誰簪謾惆悵天寒衷薄喚玉笛吹怨入空林烽火連江河山

詞五

二

滿眼那處登臨回首東園舊路躋幾分流水幾樹寒岑冷雨  
宮垣斜陽喬木還聽笳鼓沈沈待銷盡鬢小劫洗冰淚招客  
說傷心只怕南枝開偏沒箇人尋

揚州慢

癸丑十一月二十七日賊趨京口報官軍收揚州

野幕巢烏旗門噪鵲譙樓吹斷笳聲過滄桑一霎又舊日蕪城  
怕雙燕歸來恨晚斜陽積閣不忍重登但紅橋風雨梅華開落  
空營劫灰到處便遺民見慣都驚問障扇遮塵圍某賭豎可  
奈蒼生月黑流螢何處西風黯電火星星更傷心南望隔江無

限峰青

賦體至此轉高於此興矣

南浦

春州

綠意隱汀沙雪痕消又潤村村酥雨山曉睡容蘇斜陽外深淺  
青無重數飛飛胡蝶荒庭也是春來處千里相思誰種出攏了  
二分塵土 年年空怨裘裘甚愁根欲剗東風未許接岸綠波  
平銷覓事第一送君南浦鸞唳幾度憑高不見天涯路陌上閒  
華開落後多少馬蹏歸去

南唐之骨北宋之神此才獨擅

鷓鴣天

楊柳東塘細水流紅窗睡起喚晴鳩屏閒山壓睂心翠鏡裏波  
生鬢角秋 臨玉管試瓊甌醒時題恨醉時休明朝華落歸鴻

盡細雨春寒閉小樓

字字用意氣體甚高不易到也

三姝媚

送別黃子湘

詞五

三

相思隄上柳喚漁童樵青繫船沽酒水鶴飛來背亂山無語共  
君招手莫上層樓春已在斜陽時候雁積沙寒潮落潮生莫帆  
催又 塵海吟身驚瘦賸卅載才名對華消受尙著宮衣聽夜  
窗絃索淚殷雙裏眼底滄桑休更疊哀蟬淒奏怕問王孫芳草  
淮陰渡口

如詞中晚唐絕句詩

虞美人

水晶簾卷澱濃霧夜靜涼生樹病來身似瘦梧桐覺道一枝一  
葉怕秋風 銀潢何日銷兵氣劍指寒星碎遙憑南斗望京華  
念卻滿身清露在天涯

斜陽煙柳謝其溫厚

無悶

華外東風吹過斷橋香到春衫裏底甚晚徑餘寒晝闌猶倚應  
是憐春欲去看萬點飛紅斜陽裏冷游散後深深胡蝶綠煙叢  
地 憔悴更無計聚鏡角愁痕遠山眉意教燕子須歸小窗深  
閉只有楊花未醒化一縷春痕隨流水怕片霎殘夢谿西又聽  
倦鶯啼起

卜算子

燕子不曾來小院陰陰雨一角闌干聚落花此是春歸處 彈  
淚別東風把酒澆飛絮化了浮萍也是愁莫向天涯去

唐多令

楓老樹流丹蘆華吹又殘繫扁舟同倚朱闌還似少年歌舞地

詞五

四

聽落葉憶長安 哀角起重關霜深楚水寒背西風歸雁聲酸  
一片石頭城上月渾怕照舊江山

東風第一枝

春雪

慘艸疑霜融泥似水飛鷲竟又無處樹梢纔褪遙峯簾外暗兼  
細雨輕水半霎甚倚著東風狂舞怕一番暎意烘晴還帶落梅  
消去 華市冷試鐙已誤芳徑滑踏青尙阻依然淺畫溪山愁

殺嬾寒院宇春回萬瓦聽滴斷檐聲淒楚賸幾分殘粉樓臺好

趁夕陽鉤取

憂時盼捷何減社稷南國廓清  
詞人已死其志其遇蓋可哀也

臺城路

金麗生自金陵圍城出爲述沙洲避雨光景感賦此解

驚飛燕子覓無定荒洲墜如殘葉樹影疑人鴉聲幻鬼敬側春

冰途滑積雲萬疊又雨擊寒沙亂鳴金鐵似引宵程隔谿燐火  
乍明滅江間奔浪怒涌斷笳時隱隱相和嗚咽野渡舟危空  
村草溼一飯蘆中淒絕孤城霧結賸霜網離鴻怨唳昏月險夢  
愁題杜鵑枝上血

渡江雲

燕臺游迹阻隔十年感事懷人書寄王午橋李閏生諸友

春風燕市酒旗亭賭醉華壓帽檐香暗塵隨馬去笑擲絲鞭壓  
笛傍宮牆流鶯別後問可曾添種垂楊但聽得哀蟬曲破樹樹  
總斜陽堪傷秋生淮海霜冷關河縱青衫無恙換了二分明  
月一角滄桑雁書夜寄相思淚莫談天寶淒涼殘夢醒長安  
落葉唳螿詞當作於庚申前使李暮事後關以天寶應之鈞鎖精細

詞五

五

臺城路

易州寄高寄泉

兩年心事西窗雨闌干背鐙敲徧雪擁驚沙星寒大野馬足關  
河同賤羈愁數點問春去秋來幾多鴻雁念卻華顛昔時顏色  
夢中見青衫鉛淚似洗斷笳明月裏涼夜吹怨古石敬臺悲  
風咽筑酒罷哀歌難遣飛華亂卷對萬樹垂楊故人青眼霧隱  
孤城夕陽山外遠豪竹哀絲一時並奏馬足句千古

菩薩蠻

鏤金屏扇雙金鳳象牀日午遲嬌夢寶鏡不相憐好花窗外妍  
畫堂傳喚急指重箏絃澀舞罷又回身春風陌上塵

銅鞮歌斷江煙白神絃醉舞湘靈泣惟有故鄉音高樓傷客心

春風三十度歌管春聲聚煙月過花期惜君金縷衣

卜算子

丹嶺鳳皇兒愛集梧桐樹百尺宮牆一苑花只有流鶯度  
澀畫蛾眉宛轉邀蓮步抱得雲和不寫彈還宿空房去

換巢鸞鳳

雲涌菰檣正微煙綠帳夢警龍綃秋肌涼玉粟花鬢安金翹湘  
絃冰斷澀歸潮洞庭野陰霜驚顛蛟蘋颺冷漸月墮珮珠聲悄  
青鳥飛縹緲沙路遠鐙細竹迷春嘯溼岸交禽香闌文鯉暗  
泣菱絲紅老誰為天孫塞秋河翠梭當夜呈雙笑穿鍼樓看疏  
星白露橫曉調易墮曲宋詞原唱亦不免作者乃沈著而大雅

詞五

六

琵琶仙五湖之志久矣羈縈江北苦不得去歲乙丑偕婉君泛舟黃橋望見煙水益念鄉土譜白石自度曲一章以筮

篋按之婉君曾經喪亂歌聲甚哀

天際歸舟梅輕與故國梅花為約歸雁唳入篋篋沙洲共漂泊  
寒未減東風又急問誰管沈腰愁削一舸青琴乘濤載雪聊共  
斟酌 夏休怨傷別傷春怕垂老心期漸非昨彈指十年幽恨  
損蕭孃眉萼今夜冷篷窗倦倚為月明強起梳掠怎奈銀甲秋  
聲暗回清角屈曲洞達齊梁書體  
李冰叔曰君為詩恢雄飭隲若東海磯詩二十首不減少陵  
秦州之作乃易其工力為長短句鏤情劇恨轉豪於錄象之  
閒直而緘沈而姚曼而不靡  
文字無大小必有正變必有家數水雲樓詞固清商變徵之  
聲而流別甚正家數頗大與成容若項蓮生二百年中分鼎  
三足咸豐兵事天挺此才為倚聲家杜老而晚唐兩宋一唱

三款之意則已微矣  
或曰何以與成項並論應之曰阮亭葆酚一流爲才人之詞  
宛鄰止庵一派爲學人之詞惟三家是詞人之詞與朱厲同  
工異曲其他則秀流羽翼而已

丁至和保庵萍綠詞續編

慶清朝 春艸

燕陌泥蘇落裊凍坼孤根同轉青陽開門晝掩漸看春滿吟窗  
十里馬蹏去後綠葦衰繞雙雙燈期過好尋嫩約早鬪明妝  
猶記故園翠幙又爲誰鋪徧石冷臺荒袍淚染謝池幽夢  
難忘漫別玉鉤臥碣雨昏煙碧下雷塘王孫老賦歸未準愁共

波長 自注闕八寒  
暑棠數十易

萍綠與水雲齊名句際未必盡同填詞甚有  
工力予篋中祇續編一卷僅錄一闕缺補

詞五

趙彥俞次梅瘦雀軒詞

憶少年 昭陽學舍之西鄭子雅曾種桃花數畝距今二十年矣  
獨游到此風景全殊振觸舊懷誰能遣此

陰陰時節深深庭院淒淒風雨劉郎自重到問桃花無語 芳

草而今猶帶露憶當年讀書何處垂楊縱相識恨天涯飛絮

瀟瀟雨 泊揚州東關聞柝聲

啞啞停弱櫓正鳴嗚畫角起譙樓怪垂楊幾樹淒涼燈火昔日  
揚州怕說漫漫秋夜今夜冷於秋一樣嚴城柝敲碎心頭 驀  
記長安道上聽羸綱鈴語雨雪荒郵渺天涯是夢身世又扁舟  
況依稀隔江更鼓把相思零亂付東流欹枕臥爲春寒甚莫典

貂裘 玉田  
佳境

次梅六十學詞成就  
於鹿潭殊有俊語

楊長年

疏影

帳鈎用去聲韻本南宋趙以夫

空閨無寐半彎新月牽引詩思斗帳籠雲未到深秋已把夢魂  
搖碎新愁舊恨都勾動漫誇說兩行翡翠算幾會置向薰籠也  
有麝蘭香氣誰鏤吉祥小字怕雙穗縮處頭緒難理六曲屏  
前放下流蘇悄問玉人眠未藏來錦篋雙雙好怎又似離情分  
繫記那回撩鬢聲輕錯認枕邊釵

疏影

秋蝶

烏聲啞啞甚夜嘯變苦飛帶寒色雁過天空蟾墮江深城頭乍

詞五

八

疑去霜白憑高已動他鄉感況更對平蕪淒碧看眼前百雉迴  
環化作萬愁堆積回念千山繞郭齒痕乍冷透林下都寂木  
葉蕭蕭落盡哀蟬準卜藏樓窺得周遭不隔還家夢又日盼玉  
關生入問幾時弧奪先登要探西風消息

程紹裘鶴衫煙波漁唱詞

瑣窗寒

槽聲

解纜旗亭聲來柁尾乍疑鴻語低昂未穩傍岸漫驚鷗鷺蕩離  
魂春醒半醒是誰曲唱瀟瀟雨看柳灣轉艇菰蒲零亂水窗涼  
聚如訴輕搖處歎送盡行人幾曾教住催沈片月隱約煙中  
前路想紅閨愁聽砌蟲背燈擁髻知睡否又天涯歲晚江空底

事歸期誤空際傳神樂府  
解題所未有

周作鎔

祝英臺近

曉妝慵殘睡覺春淺上蛾岫錦帶移香胷怯病來瘦幾回釵卜  
燈窗鵲唳月落又枝外青梅如豆步晴晝記曾隔座傳杯花  
逕共攜手別後相思桃葉尙如舊最憐一縷東風吹愁不斷竟  
亂似空江煙柳秀絕

鷓鴣天

池柳初栽細葉新夕陽紅溼畫闌春日長人困慵梳洗一鏡芙蓉  
認未眞珠箔捲寶爐温濃歡斗帳怕輕分彩蟾心事無人

詞五

九

識西北高樓揜暮雲神來

蔣敦復劔人芬陀利室詞

大酺

問一重山兩重水天涯知在何處春來慣消瘦儘羅衫寬著黛  
眉愁嬾陌上花開樓頭燕過芳訊玉關通否無情終不信把前  
番已悔後期還誤記楊柳陰中封侯人遠白頭飛絮最憐香  
夢苦夜來恨隔斷長亭樹漫注念踏青鬪草寒食清明晝羅囊  
底城南路東風卷塵去任一片馬蹏紅雨柰多病傷遲暮相逢  
須早縱是傾城顏色華年那堪細數神似清眞

蘭陵王秋柳用清眞韻

暮煙直淒斷湖橋瘦碧陽關曲前度送人折取香繇贈行色芳  
萍寄水國誰識鴛花故客秋千畔寒食舊游韋杜城南去天尺  
佳期杳無迹祇藕外停船鷗際移席音書珍重安眠食看玉  
勒人去畫樓天遠長亭芳草接敗驛隔雲樹江北心惻淚頻  
積怨絮影飄零長恁孤寂晉支有恨愁無極柰萬里征戍一聲  
哀笛西風殘露盡化作恨淚滴以深重之筆發縣邇之思

阮郎歸

玉驄人去畫樓西天涯芳草低落花情願作香泥但隨郎馬蹏

新燕語舊鴛嗁小園胡蝶飛春風昨夜解羅幃今朝裊帶吹

意本樂府  
調學南唐

詞五

十

釗人確染爲僧黃氏收入  
方外後反初服爲諸生

宋志沂詠春梅笛庵詞

夜行船

一片寒雲江上路碎愁緒數聲柔櫓隔岸雅嗁遙邨雞唱也似  
喚人歸去卻憶多情臨別語道珍重客程朝暮昨夜樓頭今  
宵篷底明日不知何處

長亭怨慢

送泮生北上

早過了清明寒食燕燕飛時送君爲客不分垂楊曉風依舊畫  
橋碧斷覓殘角無計醉春鐙夕澹月古牆陰似夢裏淒涼顏色  
京國羨劉郎此去攬勝盡歸詩筆狂游縱好也須要自家將

息怕倚枕聽罷嘯鵑又蟲語闌千秋澀莫看劒登樓回首江南

江北

君子之交以言贈處

浣花才人論棄竟死兵戈遺草飄零有片羽之歎

劉履芬彥清滬夢詞

長亭怨慢

秦淮枯柳和月坡

又風裏楊花吹盡歎息沈埋六朝金粉僂做瀟瀟畫船聽雨繫無分暮笳聲慘還偷伴淒煙緊不待訴飄零早耐了寒雅成陣愁損記清秋盪漿慣惹翠消香褪江關戍火怎畱得少年青鬢任想到載酒評花已孤負天涯芳信儘夜泊歌闌常共離鴻

緘恨

對此茫茫

詞五

十一

疏影

西風起矣問征鴻此去書到曾未算不分明輕煖輕寒又是者般天氣梧桐瘦損琅玕碧僂寫箇相思誰寄想曲闌一半愁凝倚了又還重倚孤負青山入畫倦牀無氣力尙影銷翠任兩天涯願作扁舟莫作無情江水芙蓉也有三生恨怎怪得玉容憔悴賸一秋悵望銀河幾點冷螢斜墜

方回逝矣百身何贖

長亭怨慢

漫回首漂萍零絮如此江山可憐鼙鼓不分寬銷夜鐙酸對鎮無語瑣窗人靜曾記得天涯雨宿雁起沙灘算一樣銜蘆辛苦愁賦問斜陽古巷王謝幾時曾住西風作冷歎秋燕尋巢都

誤畫一片敗葉疏林悄傍得誰家門戶只天外姮娥能共清輝

千古

蝶戀花

幾日游蜂飛絮趁乍見生憐憔悴春人鬢過後韶華如玉舜天  
涯何處尋芳訊道是愁多蛾綠損別夢依依雙頰添朝暈亂  
卷珠簾風有信奈佗燕子無憑準

細艸平沙三月暮一夕花開零落春無主看作舞衣金縷縷  
鵲何苦畱人住斜掩翠翹迷處所酒半相思卻聽連宵雨銀

燭乍銷窗未曙斷魂只在閒庭戶

江淹已擬  
惠休詩

孔廣牧力堂飲久子詞

詞五

玲瓏四犯

蓋并合秋屬緒藜哀仍用清真韻寫之

三

搖落牆舍甚嫋嫋娟娟還自嬌豔瘦蝶闌珊香纒數枝笑臉門  
掩獨自聽秋恁薛徑夢雲零亂趁夜涼月遲星換一夕百回相  
見茗甌聊抵芳椒薦已無眠綠蕉休舊東風誤我難重訴怕  
展看花眼誰引暗雨打窗管不住落紅于點儘燕泥細認春去  
也琴絲散

不作隨指汎音半甲  
半罔所謂猱吟者是

江順詒秋珊願爲明鏡室詞

浣溪沙

楊柳當門青倒垂一雙胡蝶向人飛封侯夫婿幾時歸西子  
湖邊尋舊夢東風陌上寄相思一春心事沒人知

楊柳七  
字千古

王詒壽眉叔笙月詞

虞美人 石門夜泊

阻風中酒心情惡往事思量著琵琶聲斷小樓空只有三更街  
鼓五更鐘 溫香吟徧消魂句誰作天涯侶起來無語倚篷窗  
月墮幾層煙水白茫茫

峭帆風裏眠難穩紅飈孤燈影不知今夜夢如何偏是春來夜  
短醒時多 打篷幾陣瀟瀟雨抵死將愁絮羅衾偎徧枕函單

又是柁樓人語說輕寒 婉麗真小樂府

清平樂

三更時候燈暗衾兒皺月透瓊絲花影瘦此際消魂知否 東

詞五

三

風幾陳輕寒溫香翠被重添管取明朝風峭屬郎休放歸船 戀語推之忠愛

揚州慢

水郭西邊河橋東畔向來歌舞樓臺為蠡城最盛處今皆鞠為茂草矣偶尋舊徑愴然成詞

笙玉排雲歌珠溜月東風十里桃花記春衫帶酒是花底人家

自軍鼓江南動後鐙樓釵館都付嗁雅賸青芳艸煙痕猶似

簾紗 麗華散盡儘飄零鬢霧衫霞瘦紅豆深情青梅舊約休

問琵琶我亦傷春杜牧歡場夢易觸天涯悵夕陽無語高城催

起悲筇

居然石帚不徒形似 虎林旅次有贈

解語花 初三月子開簾剛見一鸞眉淺脈脈新愁憑仗西風吹散芙蓉

燈影衫痕瘦掩映燈前人面儘貪他笑語拚教開了行行箏雁  
問年華三五明矐青鬢羞殺尋常鶯燕隔屋簫聲應是不勝  
清怨尊前漫觸飄零恨我亦天涯蓬轉算人生有幾江樓此夕  
花深香輒一結沈痛得美成之體

張景祁

鷓鴣天 湖上修禊

相逐雲輶到寺門門前修禊水陰昏麗人已過餘花氣新柳初  
齊尙酒痕風急槳浪湔裳滿湖嵐翠掩遙村明朝怕過西冷  
路雨溼棠梨一斷魂詞綜續編錄吾輩詞皆少作自張韻梅以下有待論定不悉錄也

孫德祖彥清寄龕詞

詞五

十四

浣溪沙 雙橋雨中

一雨瀟瀟溼畫橈輕寒側側透冰綃惜小醉過雙橋 碧柳  
江城愁隱隱綠槐官驛夢迢迢可堪暮暮又朝朝

高陽臺 酒樓秋柳

紅板橋頭青花帘裏西風吹老吳山慘碧絲絲是誰抹上涼煙  
澹澹斜陽雅點外照難情別夢都酸最難忘金勒騎嘶芳草樓  
前鏡中潘鬢知何似度清秋冷節殘月年年羌笛聲中幾人  
搖落江關醉來溼盡相思字祝長條休拂朱闌待芳塵漬箇愁  
痕畱與人看側槍傷懷披奇古人之外

朱孝起

一萼紅 湖上春游

燒痕平悄東風一夜吹綠上南屏天半箏絃湖邊簫鼓并作一  
片春聲淡黃柳纔拖金縷看幾時飛絮幾時萍一樣韶華問渠  
攀折何似飄零落日又催寒信檢裝裝半臂便覺多情羃樹  
煙濃迴船退急天氣難定陰晴黯回首踏歌聲斷莫忘卻前度  
白鷗盟腸斷年年芳艸祇近離亭 神韻獨絕使人不思少游  
八聲甘州 南屏山看紅葉

算繇華已到盡頭時零落好收場怎重新裝點枝枝葉葉一片  
春光埋怨天公多事幻影太荒唐幾日西風急又早飄揚卻  
似悲歡無定已回腸斷了再續回腸問秋波臨去何苦一回望

詞五

五

冷落心情到此怎當伊淡抹與濃妝休畱戀早些打點衰艸斜

陽危若悲哀不能卒讀拔奇古人之外 牆花拂面枝惟

人月圓

小橋東畔前溪側門巷綠苔橫四時風景十年蹤跡步步關情  
玉人去也舊曾游處最怕經行多情祇有道旁芳艸不忍重

生

河傳

簾卷風輕曉妝時擁髻慊慊起遲玉肌褪殘雙臂支胷肢繡衾  
知未知 病過春分寒惻惻無氣力莫近紗窗立掩重門款柔

魂溫存雨聲和夢昏

蓮卿小令姚冶跌宕從  
投贈小箋中補錄二首

蝶戀花

丁丑孟春將去河陽作

老去逢春春漸短  
客裏看花倍覺花光軟  
歸雁風高吹又斷  
太行山色和天遠  
三宿略同桑下館  
除卻家鄉總未畱  
連慣緊著晉絲鬆  
著釧十年消息從頭算

風調駘蕩  
陽寄近詞又錄其一  
蓮卿從南

潘介繇椒坡曉夢春紅詞

浣溪紗

燕子來時掩綠窗  
惜春無計駐春光  
江千日夜柳絲長  
別緒無端如中酒  
那堪幾度立斜陽  
而今只索不思量

賣花聲

好夢倩誰招  
闌夜迢迢薄寒無賴  
展冰綃  
一樣黃昏春院月一

詞五

去

樣魂銷

惜別憶河橋  
鉛淚偷拋綠窗慵  
把玉箏調開盡櫻桃

簾不卷  
明日花朝

起妙

長亭怨慢

延青水榭餞春

會幾度曲闌閒  
凭綠易成陰  
晚煙烘暝一鏡涼漪  
更無人處水風定  
斷魂江渚怕折取蘋花  
贈杜宇苦無愁又唬  
老蘼蕪香徑誰省  
道天涯春去還把春愁  
消領傷春似我  
柰偏向尊前長醒  
好寄語燕子歸時  
休卻西家妝靚  
問笛裏江城甚日花閒

同聽

刀揮不勸  
慢詞佳境

高望曾穉顏茶夢庵詞

蝶戀花

樓上春寒眠未穩樓角鴛鴦香夢頻催醒卅六紋窗人語靜中  
簾斜日扶花影憔悴芳姿羞對鏡倦倚妝臺有恨無人省燕  
子不來空自等碧闌干外東風冷合

大聖樂

錢秋用草窗韻

苔徑雲荒豆籬煙暗薄陰籠樹倚小闌吟徧商聲敗葉敲窗清  
響似攙疏雨莫問舊時題紅怨共嗚咽回潮沈斷浦詩懷減對  
萸鞠尊前慵歌金縷天涯可憐夢苦聽柔櫓搖空孤燕語道  
曉寒催換斜陽難縮離愁何許怕卷畫簾西風冷剩門掩殘蛩  
深院宇霜華緊早分付夾衣裝絮

一萼紅

詞五

七

漾簾旌正層陰淒黯曉破乳鳩聲辭澀牆罨苔侵屐齒落英堆  
滿閒庭休重問畫樓妝曉懶梳裏人意帶春醒燕子歸來小桃  
門荳花事飄零回憶天涯路遠歎萋萋芳艸亂逐愁生南浦  
煙帆西冷風笛說甚年少心情儘盼斷斜陽消息釀餘寒空外  
暮雲橫怕聽尊前低唱一曲霖鈴通於此興

諸可寶

浣谿紗

舊恨新愁雨不饒人閒何事只魂銷寸牋難寫畫難描酸入  
天心梅子雨信回江口雪花潮小樓排日盼歸橈宕

樊增祥

采桑子 荆江晚泊

娟娟月子隨人慣，寫影春田。鎖夢秋煙，會見家鄉幾度圓。  
碧鷺一去桐心頓，燕子簾前。鷓鴣江邊，一樣青鏝一樣眠。  
沈婉

程燿采

金縷曲 桂華

冰麝成塵，搗散秋魂，長廊深護曲房低。抱涼露，無聲飄瑤圃，從  
把蘭芳傾倒。試檢與元霜，應好貽我無聊。深感汝掩疏葉，月怨  
黃昏，悄單枕側暗相繞。司香舊，職珠宮小，笑吳剛三生豔福。  
教人偷了幾度西風，傳消息，贏得濃熏沁腦。又只恐嬌黃吹老，  
雙燕故來，窺葉底，戀餘情。怕計秋期，蚤酣夢乍已驚曉。  
沈鬱

詞五

六

張鳴珂

綺羅香 和羊辛楨

蝶夢剛回，蠶絲盡吐，多少纏絲吟緒。青鳥傳言，又報碧雲期誤。  
畫簾半飛絮，偏縈曲闌外，落花無主。看熏鑪、心字香銷，迢迢蓮  
漏夜如許。紅牆遙指，一抹猶記雙雙拜。月常娥、應妬彩筆，攜  
來替寫十眉新譜。歎團扇漸欲捐秋，問桃葉幾曾名渡。任拋殘  
紅豆，相思斷腸人共語。  
同腸 欲絕

甘州

甚年時蹤跡似浮萍，東風又天涯。望鄉關、眇邈羊車未到，開落  
桃花。可是棲香願滿，疏雨冷琵琶。忍聽哀蟬曲，愁鬢都華。記

得鳳階橋畔展眉斂殘月同倚窗紗道尋春未晚仙夢碧城遮  
翦淞波綠蕪千里誤幾回燕子傍誰家魂歸也有垂楊處嘔殺

昏雅

此是安石碎金

陶方琦

永遇樂 玉河橋觀荷

水殿柔瀾貝宮麗粉掩映斜照太液流光石鯨微動那許秋風  
到翠華飛雨金盤承露多少銖衣圍繞涼生處碧幢飛舞遂有  
人窺蓬島 重重深綠鳳城濃霧鬢銀河初曉十二雕闌三  
千素面秋色遲晴吳紅牆壓篴迷離官怨香夢人閒醒早芳尊  
側客塵休浣仙源路渺元人絕勝之作

詞五

五

長亭怨

雨感

苦曉雨纏緜催冷棟葉清陰畫簾搖暝珍簟方牀暗愁不似夢  
時醒紗幃人靜獨吹蕪沈檀鼎待離袂重熏又還惜餘香猶賸  
偏恨者天涯飛絮長與春心無定蘭情水盼也解道鏡中花  
影更莫憶月底銀箏是扶酒殢愁曾聽恁奈何紈扇吹涼未秋

先省

怨

瑣窗寒

用玉田韻同仲修

衫色扶秋簫聲散水清輝偷凭花光和月攪碎一鉤簾景卻誤  
佗銷金蝶來替燒明燭偎渠冷又花閒玉漏迢迢深夜木犀香  
盡 露潤嘒蛩徑溯歡游翠窈玉覺春鼎家山楓葉孤負幾番

秋信指雲中縹緲斷鴻長門數聲何處等遣今宵離夢惺忪翦  
鏡清話穩

滿庭芳 五月五日游天凝寺

碧樹初蟬茜窗雛燕風景卻稱天中光陰黍夢客裏忒怱怱  
負粉紉佳序容相見蠻榼珠櫛桐花底素羅衫子低照海榴紅  
煙空餘梵寂斜陽佛塔新茗山宮漫登高一望怨綠蒙茸便  
是風流衰恰隨胡蝶數徧珍叢微微雨游塵吹散徐度繡金驄  
浪淘沙 病中得仲修青浦道中書

寒色動簾旌愁緒零星栖雅煙點短長亭多少江南風雪路多  
少離情 病榻黯難勝燭炮香凝梅花如霰夢無憑便有夢隨

詞五

三

流水去也化春冰 情至之語  
論之黯然

曾行淦蘋湘蘋影軒詞

琵琶仙 借夢華嶽生夜步長橋上殘月微茫煙水明瑟時聞鶯  
聲嘯軋疎波東去與高樓長笛相贈答嶽生卽於是夜  
歸湘中傷離之懷不能自己倚此爲別  
使嶽生叩舷歌之當亦悄然以悲也

天闊潮寒畫橋外誰倚危闌橫笛深夜吹轉明河微雲澹無迹  
帆乍遠風燈漸亂怪隱了斷岑虛碧霜滿孤舟宵來甚處腸斷  
今夕 甚前度殘約江樓只酒醒應思舊游歷歸夢暗憐都阻  
墮蒼煙無力待說與湘娥素怨奈月昏杳渺難覓早是茸帽生  
塵扣舷愁絕

江南好

青溪曲閒立夕陽時欲采蘋花秋水遠畫簾單舸夢遲遲何處  
小姑祠

秦淮好終古水西流流水送春春送客夜深吹笛上高樓樓下

木蘭舟

如聞水樂

瑣窗寒

疏柳搖寒黃昏人靜畫簾慵卷空階小立閒煞紵衣綃扇轉明  
河夏闌未沈離愁不似新涼淺怪亂苔四壁殘蛩低絮乍驚秋  
換腸斷芳游嬾記門掩梨花翠尊同款銀牋欲寄爭奈吳山

籠晚料西窗聽雨自眠夢迴水驛天樣遠待歸時檢與征衫淚

點和塵浣

庸哨之致  
南宋高手

詞五

三

莊棖中白蒿盒詞

壺中天慢

行雲何處卻分明依舊昨宵華月城上烏嘯嘯未曉正好三更  
時節巷口煙深窗閒燭暗乍見心先怯那能再與殷勤深訴離  
別回憶往日來時手中團扇竟難教拋撇幾曲銀屏天樣遠  
尚有輕紗隔絕欲住無言爲愁含笑待與何人說遙知去後比

前夏覺淒切

屈曲洞達  
一轉一深

垂楊

東風幾日怎畱人不住夏添金縷眼睨流鶯依稀似欲畱人語  
儂心縱使從君訴奈飛燕雕梁嬌如倚長隄一碧無情任玉驄

嘶去 淒楚連宵苦雨竟沾水漬泥不堪重顧鬢已如絲笛中  
偏惹閒情緒柔枝婀娜誰攀折但贏得離愁幾許年年踈地青  
青休怨汝哀於片玉  
厚於屯田

鳳皇臺上憶吹簫

瓜渚煙消蕪城月冷何年重與清游對妝臺明鏡欲說還羞多  
少東風過了雲縹緲何處句留都非舊君還記否吹夢西洲  
悠悠芳辰轉眼誰料到而今盡日樓頭念渡江人遠儂更添憂  
天際音書久斷還望斷天際歸舟春回也怎能教人忘了閒愁  
清空如話不至  
輕儂消息甚微

菩薩蠻

詞五

三

瞳矓紅日纔當午一鉤新月天邊吐相去幾多時參差影隨  
深宵朱戶裏環佩聲徐起儻許共徘徊羅幃可暫開

寶函鈿雀金泥鳳釵梁敲側雲鬢重莫遣夢兒酣江南春色闌  
音書金雁斷芳艸芙蓉岸當戶理機絲年年戰士衣

六銖衣薄迷香霧畫屏曲曲山無數生小愛新妝輸人眉黛長  
夢回深院靜月過秋千影宮裏醉西施烏唳臺上時語語  
溫厚

高陽臺

長樂渡

長樂溪邊秦淮水畔莫愁艇子曾攜一曲西河尊前往事依稀  
浮萍綠漲前溪徧問六朝遺跡都迷映頰梨白下城南武定橋  
西行人共說風光好愛沙邊鷗夢雨後鷓鴣投老方回練袞

十幅誰題相思子夜春還夏到歡聞先已淒淒憂休提柳外斜

陽煙外長隄駘盪怨抑之境  
爲前人所未開

揚州慢

飛絮時光熟梅天氣片帆又到揚州繞荒城十里尙似舊淮流  
多少尋常巷陌銜泥燕何處勾留望紅樓人語沈沈深押簾鉤  
杜郎老去有何人能訴清愁喜學語雛鷓新聲百舌不解含  
羞好向綠陰深處西風動怕報涼秋已荼蘼開到行人休憶春

游

夜飛鵲落葉

河橋送行處都已辭枝倚岸卻自依依禮花豔蕊曾陪侍如今

詞五

五

不是將離重來憂知何日待春風轉後柳便生梯暫時去也向  
天涯恁用淒其透迤平沙回望餘塵漸堆積疑是成蹊可否

回思前度深深蔭暘艸綠還迷新霜一拂怎恣恣便改芳姿但

徘徊哀艸延緣古道惆悵長隄頓挫非盪深  
入北宋之室

高陽臺丙子清明題郭湘渠上河圖一角畫扇弔古愴今憂生  
念亂不自知其咄咄也

飄拂微風羊眠嬌柳上河時候清明扇底搖春誰人一角重臨

鑾輿猶記揚州駐比趙家圖畫難尋久消沈夢華舊錄且說東

京才人何事依門戶數弇州舊恨直到而今倦客相看此時

別自傷心金戈鐵馬經過眼記百年河外霓旌付閒情渡頭艇

子打槳來迎碧山白雲之調屈原宋玉之心興寄百端望古遙  
集止庵所謂能出者也子錄篋中詞終以中白非

徒齊名之標榜同聲之囀于亦以比與柔厚之旨相贈處者二十年鶴序其詞有曰閨中之思靈均之遺則動於哀愉而不能已中白當日非我佳人莫之能解也

### 唐多令

鐙燄似凝脂紅心艸恐非羃煙煤一樣迷離照得空庭都四徹  
原不藉蠟成堆 影隔僂難知光雷許眾窳也曾看鏡裏蛾眉  
窗外北風冰正沍只微火轉淒其

虞美人

懷魯仲實

悠悠客鬢生華髮十載音書絕枕函殘夢醒微茫瞥見南飛鳥  
鵲不成行 故人識我詞中意說也先憔悴蓬萊方丈不須游  
近日乘槎直到海西頭

二詞皆於時事多所張觸非苟作者

### 詞五

香

馮燾

一痕沙

月子彎彎清絕秋到海棠如雪礎杵夜千家又天涯 道是耶

時輕別誤殺鬢邊華髮等得浙工潮上蘭橈

脆如新黃

馮照夢華蒙香室詞

一枝花

曉經秦郵過故居作

帆影收殘驛問訊漚邊消息未黃寒柳外曉風急湖水湖煙一  
抹傷心碧甚處尋秦七衰草微雲依然舊日詞筆 霜重城陰  
溼歸路暗驚非昔東偏三五畝葺蘿宅十載塵顏算只有積波  
識俊游恣不得認禿樹荒祠乳雅猶帶離色

幽咽怨斷夢華詞境感遇爲多

琵琶仙

野泊寄拂青

何事西風又催我一點征帆東下無那寒驛燈昏沈沈怨逐夜  
秋色裏青袍似艸算離恨不堪重寫倦倚煙篷霜空雁杳誰共  
情語最惆悵石老雲荒漸忘卻城空舊游冶賸有一弓殘月  
曠姓川如畫添幾許枯荷敗葦便夢迴誤了亭榭爲語沙際輕  
鷗恁時來也

絲絲無盡

江南好

青谿曲稚柳不勝春獨自吹香橋下過晚鷺如夢絮如塵悵悵

更何人

江南好

詞五

姜

三月莫何事更千卿艸長鷺飛春水皺勞勞亭下五清明東望  
不勝情

單調漸近自然

南鄉子

一葉碧雲輕建業城西雨又晴換了羅衣無氣力盈盈獨倚闌  
干聽晚鷺何處是歸程脈脈斜陽滿舊汀雙槳不來聞夢遠  
誰迎自戀蘋花住一生

顧影於籠

河傳

同次泉登夔州城樓

城闕愁絕落花時野戍殘旂雨微峽中一春無鴈飛相思北來  
音信稀十二青樓臨大道春漸老處處生芳草杜鵑嗁人未  
歸路迷片帆吹又西

霓裳中序第一 丙子元夕與次泉蹋月夔州城東

孤蟾下倦驛落盡江梅春是客城上夜烏正寂漸星暗戍樓煙  
沈荒磧誰歌楚魄罷玉尊腸斷今夕空凝望峽門秋練一道界  
寒白 游歷柳邊坊陌有箔影釵光似織年年歸計未得曲榭  
懸燈小檻橫笛斷雲迷故國忍重問傳柑信息君休歎圍鑪見

女尚守杜陵宅

回曲  
隱軫

甘州 乙亥除夕

甚恩恩百歲隙中塵天涯又相催正春燈上了亂山殘雪來照  
深梧惆悵雞聲馬影人隔楚雲隈簫鼓蛾兒曲懷抱難開 還  
念故園今夜趁辛盤薦後西望徘徊揜銀荷不語獨自撥寒灰

詞五

美

春回  
總休卜鏡中消息算歸期先負綺窗梅思千里向東風祝莫放

徐燦 以下閩人

踏莎行

芳草纔芽梨花未雨春魂已作天涯絮晶簾宛轉爲誰垂金衣  
飛上櫻桃樹 故國茫茫扁舟何許夕陽一片江流去碧雲猶  
疊舊河山月痕休到深深處 興亡之感  
相國愧之

永遇樂 病中

翠帳春寒玉墀雨細病懷如許永晝悵悵黃昏悄悄金博添愁  
炷薄倖楊花多情燕子時向瑣窗細語怨東風一夕無端狼藉

幾番紅雨 曲曲闌干沈沈簾幙嫩艸王孫歸路短夢飛雲冷  
香侵佩別有傷心處半爇微寒欲晴還雨消得許多愁否春來  
也愁隨春長何放春歸去

相國加鄧墜淵愆  
咎自積此詞殊怨

又 丹中感舊

無恙桃花依然燕子春景多別前度劉郎重來江令往事何堪  
說近水殘陽龍歸劍杳多少英雄淚血千古恨河山如許豪華  
一瞬拋撇 白玉樓前黃金臺昨夜只留明月休笑垂楊而  
今金盡穠李還銷歇世事流雲人生飛絮都付斷猿悲咽西山  
任愁容慘黛如其人凄切

外似悲壯中實  
悲咽欲言未言

唐多令 感懷

詞五

三

玉筍擘清秋紅蕉露未收晚香殘莫倚高樓寒月多情憐遠客  
長伴我滯幽州 小苑入邊愁金戈滿舊游問五湖那有扁舟  
夢裏江聲和淚咽頻灑向故園流

金莊

清平樂

淒涼晚色絲雨和愁織夢到楚江行不得一片溼雲吹隔 年  
時曾憶城東杏花點點飛紅門外憑他寒食玉闌自有春風

大  
手

筆

玉樓春 春曉

早鳥嗁起銀蟾落錦帳春寒春意薄天涯路遠幾曾經莫怪夢

中常是錯 起來小婢催梳掠  
拈著青絲心緒惡無情鏡子不  
憐人暗把紅顏都換卻

賀雙卿

黃花慢

孤雁

碧盡遙天但暮霞散綺碎翦紅鮮聽時愁近望時怕遠孤鴻一  
箇去向誰邊素霜已冷蘆花渚夏休倩鷗鷺相憐暗自眠鳳皇  
縱好甯是姻緣 淒涼勸你無言趁一沙半水且度流年稻梁  
初盡網羅正苦夢魂易警幾處寒煙斷腸可是嬋娟意寸心裏  
多少纏綿夜未閒優倦宿平田

清空一氣如拭 忠厚之旨出於風雅

鳳皇臺上憶吹簫

殘鏡

詞五

天

已暗念吹欲明誰別向儂無餓如螢聽土階寒雨滴破殘更獨  
自慙慙耿耿難斷處也忒多情香膏盡芳心未冷且伴雙卿  
星星漸微不動還望你淹煎有箇花生勝野塘風亂搖曳魚燈  
辛苦秋蛾散後人已病病減何曾相看久朦朧成睡睡去還驚

調別

顧信芳

浣溪紗

一樹清陰倚粉牆雨餘小院澹斜陽  
笛聲掩抑似回腸 蟾影穿簾千點雪  
玉魂和夢一絲香殘燈無燄更淒涼

鳳髻梳成整翠鈿  
珊瑚玉骨自生憐未灰心事鵲爐煙 粉蝶

帶香迷遠夢冰蠶縈繭怯春寒惜花人老落花天

嫩綠新紅映碧池纖纖弱柳鬪香支一枝紅恨寄相思 微雨

燕歸春寂寂暖香花睡日遲遲小樓人嬾似游絲

一雁橫飛萬里秋西風人倚木蘭舟蕭蕭南浦碧雲稠 腸是

有情牽別恨心因無蒂帶離愁夕陽影裏凭危樓 幾可抗 手梁汾

顧樹芬

浣溪紗 楊花

昨夜東風透露臺無端柳絮徧蒼苔一春心事又成灰 無力

自隨流水去有情還伴落花來天涯游子幾時回 天籟

李佩金

詞五

完

菩薩蠻 秋夜書懷

水輪碾破遙空碧礎聲敲冷相思夕望斷鴈來天瀟湘煙水寒

玲瓏花裏月知否人間別一樣去年秋如何幾樣愁 五代十國之遺

蝶戀花

記得黃昏耽靜坐寵柳嬌花春恨吟難安珠箔飄燈風婀娜四

圍碧浪春痕斂 譜就紅鹽蘭燭墮擊碎珊瑚唱徹誰人和提

起閒愁無一可淚絲彈瘦細桃朶

金縷曲 莫春月夜懷林風晚蘭於吳中時子將赴中州感賦此

月照梨花白背銀屏疏棨黯澹薄寒猶怯煙暝一星搖欲墮幾

樹香桃紅溼卻正是銷魂時節夢影迷離歸路遠聽嘯鴉泣徧

春山碧飛不度暮江闊 柔腸細綴丁香結想於今去原有恨  
住還無益兩地相思終不見何似翻然輕別怕此後更無消息  
一點墨痕千點淚看蠻箋都漬殷紅色蚪箭響四更徹筆勢奇  
縱清照

卻步 生香館  
詞未見待補

沈芳

一枝春

春雨

作弄輕寒又廉纖釀出離愁多少香車待覓小徑溼煙難埽蕭  
條院宇漸綠長滿階芳草空自望千里行雲雁足不傳書到  
黃昏最憐人悄正疏簾半卷一鐙相照十年舊事頓使暗縈懷  
抱寒衾倦聽和鶯語隔窗催曉腸斷是零落梨花好春易老神  
來

詞五

三

莊盤珠

踏莎行

病起

最怕殘春落紅堆徑今年人比花先病不教細雨幾番催畱春  
一日花應可 風定簾閒燕眠梁靜清明近也寒還賸空檐病  
起已無花夕陽只照游絲影

又 春柳

曉月離亭斜陽古渡有時遮斷行人路桃花作伴過清明誰家  
池館藏煙雨 拂岸千絲紫橋萬縷影隨流水何曾去笑他無  
計縮東風濛濛吹起漫江絮浩渺  
一何

菩薩蠻 春蘭

羣芳逞媚韶光裏一花秀影偏無比草綠不逢人空山忽見君  
立驚遺世獨獨抱幽香倚春澹只如秋芳心不貯愁

古詩  
高境

採芳信

絡緯

冷消息到曉露牆根晚煙籬隙正繡衾夢斷西風豆花急殘燈  
窗裏明還暗月在窗前白忽驚猜巷北街西那家宵積何日  
便成匹怪響引絲長緩憐絲澀靜夜寒聞幽韻雜刀尺亂愁誰  
颺千條縷爭把秋心織便無愁也自聽他不得

奇筆

吳藻蘋香雪廬詞

木蘭花慢

擬草窗

明湖千萬頃正春曉鏡隘張看日脚煙浮魚天漲碧鷗夢迷香

詞五

三

橫塘鉤車繡幄趁流蘇髻子鬱金裳空翠遙分鬢影亂紅低威  
釵梁垂楊嫩綠回黃閒燕翦弄鸞篋認第三橋畔花驄慣識  
酒市深藏恩忙畫船去也漸鐘催暝色入斜陽銀鑰重關乍掩

半山浩月飛光

樂章高格  
非苟作者

月華清

柳穉勻黃梅嬌墮粉綺襲春暗如霧曉鏡圓冰羞見遠山眉嫵  
計芳信逝水年華疏俊侶畫船簫鼓輕誤問舊時羅袖淚痕紅  
否 菜几重尋笙譜說鬪草無心減蘭空賦燕去塵梁強半繡  
簾香阻玉纖冷怨寫琴絲銀燭短悶敲釵股遲莫又碧雲四合

晚陰窗戶

用意  
甚深

風流子

闌干十二曲重回首爭忍酌金卮悵昨夜雨疏今朝風驟落花  
小徑飛絮平池餞春會離歌三兩闋添譜懊惱詞芳草有情綠  
應如此夕陽無主紅不多時 韶華歸何處垂楊繫不定裊煙  
絲一霎人閒天上香冷雲癡近黃昏院落湘簾半卷玉階小立  
數徧胭脂腸斷數聲嗁鳥都在空枝

高華

鬪鏡秋芙蓉影樓詞

高陽臺

送沈湘佩入都

淚雨飄愁酒潮流夢惜花人又長征見說蘭橈前頭已泊旗亭  
垂楊原是傷心樹怎怪他跪地青青向天涯一樣纏絲各自飄

詞五

三

零 開筵且莫頻催酒便一杯飲了愁極還醒且住春帆聽儂  
細數郵程壓船煙柳烏篷重到江南應近清明怕紅窗風雨瀟  
瀟一路須聽

蝶戀花

幾日池塘雲不住柳也濛濛想做清明雨半榻茶煙和夢煮畫  
屏幾點江南樹 欲卷湘簾風不許如此黃昏休去移箏柱樓  
上晚山青不去夕陽正在雅歸處

高陽臺

夕陽

斷鴈飄愁盤雅聚暝一鞭殘夢歸峯酒醒郵程嶺雲隴樹漫漫  
渡江幾點歸帆影近荒林一帶楓殷最難堪第一峯前立馬斜

看而今休說鄉關路賸濛濛野水瘦柳漁灣短帽西風古今  
無此荒寒蘆笳聲裏旌旗起問當年誰姓江山有悠悠幾處牛  
羊短笛吹還忽聞變徵

清平樂

畫梁春淺簾額風驚燕不信天涯人不見草也池塘生徧東  
風吹澹屏紗飛飛多少楊花何怪兒家夫婿一春長不還家

南樓令

夢醒杏花叢春寒淺閣鐘近黃昏傻起東風已過今年三月半  
卻只是雨濛濛小膽怯屏空濃愁斂碧峯好琴絃怎被塵蒙  
算是多情雙燕子還何到舊房窠百端交集

詞五

五

鄭芥仙

滿庭芳

用徐君寶妻韻

三月煙花二分明月香車陌上如流變來今日犀甲帶吳鉤何  
日王師雨洗長驅入迅掃貔貅危城裏天荆地棘不是等閒愁  
長淮三百里回頭一笑夢也休休幸分飛兩地翻謝河洲自  
顧此生安寄問前生著甚來由只餘得青燐碧血何處十三樓

鄭爲山陽程振室殉亂爲此  
詞見儀徵程宛潛庵復筆

篋中詞

金壇馮煦參校

復堂詞

類集五

周美成云流潦妨車轂又曰衣潤費鑪煙辛幼安云不知筋力  
衰多少祇覺新來嬾上樓填詞者試於此消息之不佞悅學卅  
年稍習文筆大慚小慚細及倚聲鄉人項生以爲不爲無益之  
事何以遣有涯之生其言危苦然而知二五而未知十也譚獻  
書

菩薩蠻

綺窗香暖屏山掩菱花半照愁蛾斂繡綫怯衣單鶻啼風雨寒  
遠山眉翠薄素靨輝珠箔紅袖倚花枝亭亭三五時

象牀觸響釵梁鳳嬌鶯喚斷春閨夢裙袂映垂楊會驚游冶郎

詞六

一從春色去玉貌渾非故夫婿是浮雲愁風愁水頻

深宮柳色慵眠起章臺夾道車如水付與可憐春房櫳藏玉人  
綠苔綠砌上燕啄銅鋪響殘醉醒還迷門前聞馬嘶

朱絃掩抑聲如訴鈿蟬金雁飛無數人去幾時回行雲何處來  
畫闌圍曲曲敲折搔頭玉花老鬱金堂閒熏沈水香

長亭怨慢

霜楓漸盡書和廉卿

又消受江楓低舞幾徧清霜落紅盈路返照蒼茫亂山憔悴黯  
無緒悵花吹絮曾目送春風去往日倚樓人早領略芳容愁苦  
薄暮望昏雅宿雁卻向隔城煙樹長亭載酒道休負昔時言  
語記得是荳蔻梢頭怕回首尋芳前度奈一晌停車林際葉聲

如兩

醜奴兒慢

晴雲做暝如睡寒山初醒尚留得婆娑衰柳忍記青青幾點蘆  
花誤看飛絮化浮萍霜林深處殘紅未了一樣飄零 淺水渺  
茫畫船歸後簫鼓都停問吹笛樓頭人去記否丁寧省識春風  
踏歌扶醉上湖亭而今依舊青衫中酒落照西冷

摸魚子

悄無人繡簾垂地輕寒惻惻如許東風送煖衣纔卸還又繞樓  
疏雨春好處怕落了梅花便算青春暮紅兒笑語道薜荔牆根  
秋千索下芳草綠無數 天涯遠不斷行雲去去征鴻歸計休

詞六

二

誤紅橋雙屐芹泥滑寂寞踏青游侶從閒阻任折柳聽鶯年少  
判虛度懷人正苦更卷起重簾蕪煙漠漠斜日暗南浦

清平樂

東風吹徧穉柳垂青淺雲樹朦朧千里遠望見高樓不見樓  
前塞雁飛還愁邊多少江山忍把棉衣換了玉梅花下春寒

青衫溼

春來未有晴時候風雨閉重門今朝折柳明朝飛絮幾個黃昏  
一鐙上了簾前瘦影銷也無魂青衫濕處看來卻是點點啼

痕

湘春夜月

忒迷離幾番風雨花朝賸有一片芳塵渾望斷紅橋燕子繞梁  
飛徧爲怕伊憔悴替壘香巢早長亭折柳天涯盡處春去難招  
空階夜色彎彎月冷羅袂飄飄天末風生吹皺了浣紗溪水  
濺上天桃一襟紅淚照往時鬢影蕭條算此際有愁人似我朱  
樓縹緲無寐吹簫

蘇幕遮

綠窗前紅燭底小撥檀槽月盪涼煙碎夜靜銜杯風細細吹上  
羅襟仍是相思淚病誰深春似醉陌上桃花門內先憔悴夢  
到高樓星欲墜零露無聲冷入空闌裏

青門引

詞六

三

人去闌干靜楊柳晚風初定芳春此後莫重來一分春少減卻  
一分病離亭薄酒終須醒落日羅衣冷繞樓幾曲流水不會  
留得桃花影

南浦

杯行漸盡便天涯芳草送征輪此去看花得意休念酒邊人不  
是馬前風雨是臨岐別淚灑紛紛只依然雲樹無多煙水一樣  
動離魂我是近來消瘦最慊慊傷別復傷春怨殺浣紗溪水  
不照舊羅裙日暮歸鴉飛盡賸何橋獨立病中身問翠衾何處  
綠蕪無語已黃昏

洞仙歌

積雨

闌干濺碧疊苔痕多少芳樹陰陰斷啼鳥記簪榴日煖折柳風  
疏妝鏡畔斂袖愁蛾淡掃陌頭新燕去煙雨無情遮斷香車  
往來道徐起拂青琴絃上塵生憑傳語知音歸早怕此去秋聲  
滿江亭賸把酒登樓亂鴻衰草

滿庭芳

花是將離曲成憐子心情不似當年桃笙選夢綠酒說從前滿  
地蘿陰似水無人到鬪草闌邊風初起池萍點點搖蕩不成圓  
聞蟬楊柳外乍調脆管半澀新絃試重問齊宮舊事誰傳消  
受晚來風露離亭樹淡欲生煙聲徐歇高樓微月翠袖隔重簾  
浣溪沙

詞六

四

昨夜星辰昨夜風玉牕深鎖五更鐘枕函香夢太匆匆 簾閣  
焚香煙縹緲闌干擷笛月朦朧碧桃花下一相逢

好事近

花入畫屏秋花外夕陽倬僂高柳病蟬嘶起卻晚晴時候 酒  
邊知是笑啼難風味記新舊獨掩盈盈畫扇忍伴人消瘦

蝶戀花

庭院深深秋夢斷玉枕新涼雨氣和愁亂一炷爐香燒漸短空  
房無語芳心軟 小膽惶怙誰是伴瘦到支離病比年年慣眼  
底朱闌千里遠西風幾點南飛雁

角招

荷花

近來瘦還如醮水拈煙漸老隄柳欲尋雲際岫盪槩采菱多刺  
傷手悲秋病久看褪盡紅衣蓮歌昨日柔香縹緲有三十六鷺  
鷺向花前低首空有抱香兩袖江南信息爭唱新詞秀翠盤  
珠乍溜細雨微波重來時候登樓念舊嘆綠鬢消磨尊酒莫遣  
簫聲更奏怕雙淚溼青衫人歸後

采桑子

闌干一夜霜華重夢墮寒煙鬢老秋蟬啣香殘似去年朱  
顏總被尋常誤箏柱慵拈簾幕依然碧樹當樓更可憐

浪淘沙

欄檻雨絲柔錦樹當樓芙蓉零亂作深秋不信浮雲從此去都

詞六

五

是離愁酒盡暮江頭怕聽笙篴青袍多少淚痕留殘月杏花  
簾幕下往日風流

更漏子

酒杯停人語細月午繡簾垂地收玉鈿卷羅衣海棠憔悴時  
清漏斷迴腸轉誰道秋宵更短纔半晌又三更疏燈聞雁聲

鷓鴣天

城闕煙開玉樹斜幾重簾幙醉流霞井華曾照翩翩袖巷口疑  
聞隱隱車芳草地玉人家女兒生是斷腸花西風只在高樓  
上吹淡文牕舊日紗

芳草

送別

問西風玉階芳草門前便是天涯  
驪歌聽唱徹漫持殘酒淚滿  
金杯羅衣親拂拭戀餘香會入  
儂懷暫握手勿勿不語斜日樓  
臺頻催滿堂絲竹離亭畔恁許  
徘徊登車還在眼玉容憔悴  
損首莫輕回銀屏人寂寂有年  
時明月重來算此後翠衾夢斷  
夢亦疑猜

蝶戀花

樓外啼鶯依碧樹一片天風吹折  
柔條去玉枕醒來追夢語中  
門便是長亭路眼底芳春看已  
暮罷了新妝祇是鸞羞舞慘  
綠衣裳年幾許爭禁風日爭禁  
雨

下馬門前人似玉一聽班驂便  
倚闌干曲乍見迴身蛾黛蹙泥

詞六

六

他絮語憐幽獨燕子飛來銀蒜  
觸卻怕窺簾推整羅裙幅語  
在修眉成在目無端紅淚雙雙  
落

抹麗柔香新欲破爲十團圓暗  
數盈盈朶睡起鬢邊低漸墮鏡  
前細整留人坐卻換羅衣憐汗  
顆不喚紅兒自啟葳蕤鎖一  
握鬢雲梳復裏半庭殘日匆匆  
過

帳裏迷離香似霧不燼爐灰酒  
醒聞餘語連理枝頭儂與汝千  
花百草從渠許蓮子青青心獨  
苦一唱將離日日風兼雨豆  
蔻香殘楊柳暮當時人面無尋  
處

庭院深深人悄悄埋怨鸚哥錯  
報韋郎到壓鬢釵梁金鳳小低  
頭只是閒煩惱花發江南年正  
少紅袖高樓爭抵還鄉好遮

斷行人西去道輕驅願化車前草

玉頰妝臺人道瘦一日風塵一日同禁受獨掩疏櫺如病酒卷簾又是黃昏後六曲屏前攜素手戲說分襟真遣分襟驟書札平安知信否夢中顏色渾非舊

金縷曲

江干待發

又指離亭樹恁春來消除愁病鬢絲非故草綠天涯渾渾未徧誰道王孫遲莫腸斷是空樓微雨雲水荒荒人草草聽林禽祇作傷心語行不得總難住今朝帶我江頭路近篷窗岸花自發向人低舞裙秋芙蓉零落盡逝水流年輕負漸慣了單寒羈旅信是窮途文字賤悔才華卻受風塵誤留不得便須去

詞六

七

東風第一枝

省識花風驚回夢雨輕寒恰又輕煖斷魂紅袖香殘半醒翠尊酒淺空階竹影又訝是青袍微展鎮故園數點幽花欲寄一枝人遠從別後帳中淚眼知憶否樓頭素面慘悽曉鏡孤鸞冷落舊巢旅燕虛簾鉤起有一片柔腸同卷便好春過了江南怕過往時庭院

賀新郎

和人

離思無昏曉不分明東風吹斷舊時顰笑疏雨重簾煙漠漠花色雨中新好又只怕人隨花老珍重下來雙燕子問玉驄何處嘶芳草腰帶減更多春衫裁翦渾抛了盼長亭行人不見

飛雲縹緲一紙音書和淚讀  
卻恨昏字小見說是天涯春到  
夢倚房櫳通一顧奈醒來各自閒  
煩惱知兩地怨嗟鳥

少年游

高樓煙鎖曲闌風緊修竹影交加  
別樹棲鳥離亭去雁簾外已天涯  
芳梅折倩誰行寄不爲惜年華  
一任殘香玉顏非故認是故鄉花

浣溪紗

舟次吳門

五十三橋未是長水流  
不斷似迴腸弄風帆影過吳江  
玉枕啼痕猶昨日翠樓人語已他鄉  
眞愁強笑費商量

蝶戀花

詞六

八

梔子花殘蝴蝶瘦鏡裏晨昏總是愁  
時候夢到江南人在否  
斷魂付與青青柳  
過盡春風三月後  
門外斜陽馬上休  
回首私語難忘今日酒  
玉闌干畔攜雙袖

鷓鴣天

綠酒紅燈漏點遲  
黃昏風起下簾時  
文鴛蓮葉成漂泊  
白幺鳳桐花有別離  
雲淡淡雨霏霏  
畫屏閒煞素羅衣  
腰支眉黛無人管  
百種憐儂去後知

破陣子

泊舟見官柳一株亭亭如蓋感賦此闕

紫燕黃鸝寒食綠窗朱戶  
清明簾幙尚留飛絮  
影衣帶誰聞拜月  
聲畫闌攜手行  
野水臉波添滿  
遠山眉黛同青  
題作人閒

端正樹驛路斜陽一片明西風容易生

解連環

後堂春晚背紅燈影裏酒寒人散自卷幔別淚闌干正斜月輝  
輝斷雲天遠半晌偎儂怎便是三更三點歎從今只有妝臺鏡  
子照人心眼 回頭歲華荏苒記無多笑語總添哀怨謾付與  
約指雙環問何日題詩定情相見繡幄香泥好護惜明年宿燕  
待蕭郎白馬歸來絮飛滿院

相見歡

往時幾度春風過匆匆最苦今年人去落花紅 月如水光千  
里與誰同一樣翠衾香冷枕函空

詞六

九

踏莎行

畫屏

玉樹微寒瑣窗宿雨分明夢到閒庭宇一重簾幙對西風離愁  
不斷浮雲去 來雁驚秋吟蛩向暮江鄉景物還如許幾番殘  
月又新霜當時折柳人何處

浪淘沙

楊柳暮蕭條風雨瀟瀟別時春水滿河橋幾日江南鴻雁到燕  
子辭巢 玉樹向人凋角枕無聊嗟痕新舊總難銷樓上黃昏  
簾不卷明月今宵

虞美人

天風吹落樓頭月客鬢生華髮枕函迷夢醒還空帳外一星燈

穗吐微紅 書來猶浣封時淚留得相思字江南芳草又逢春  
祇覺一般春色不宜人

河傳

樓畔輕喚鬢低垂欲語含羞語遲送郎出門郎馬嘶相思夢回  
儂未知 難倩征鴻傳我意情似水空灑無名淚畫鴛鴦更漏  
長殘妝君眠何處牀

鳳凰臺上憶吹簫

和莊中白

鏡掩虛塵枕寒別淚綺窗暗換春風悔翠眉輕別花月愔愔問  
訊趙家姊妹看擁髻都是愁中雙棲燕雕梁在否容易相逢  
重重故山望斷有一片飛雲會度牆東想倚闌無語玉袖曉紅

詞六

十

不分銀笙吹冷調怨曲銷損芳容春依舊天涯斷腸人去房空  
江城子

江城垂柳一枝枝別君時日遲遲不道東風又是隔年期霧鬢  
雲鬟憔悴損除鏡子没人知 小樓花發故人非送斜暉信音  
稀有恨無言明月上羅幃金鬣香殘鴛袖冷剛許道莫相思

甘州

問蕭條何事走天涯席帽拂黃塵又當筵紅燭金尊中酒惆悵  
逢春回首花幡綵勝嬾嬾倚樓人一別高樓去日日含顰 况  
是物華輕換望長安不見宵夢難真便明年人面雙笑恐無因  
悔從前天寒羅袖倚嬌柔只是少溫存思今夕掩盈盈淚幾處

銷魂

綺羅香

白蓮

與月依依非煙脈脈獨抱愁根遲暮一片行雲爭許妙香留住  
驚夢醒返照當樓聽歌起櫂舟歸浦鎮相憐病榻維摩拂衣正  
在花深處飄零人事盡改休唱田田舊曲江南樂府遠水生  
秋消受和煙和露憐往日羅韞淩波願化身膽餅深護恁禁得  
搖蕩眞圓銀塘連夜雨

南樓令

羊辛楣花谿吹笛圖

岸柳晚颺颺餘酣漱碧流卻臨風三弄倚輕舟吹得月華如水  
冷有多少古今愁一鴈度南樓關山音信休憶春風花影簾

詞六

十二

鈎會是羅襟會是酒渾不似少年游

眉嫵

梅花洲小泊寄趙桐孫張玉珊杭州

看霜棲柏樹風約蘆碕舫斂小橋暝屈指芙蓉老冬心誰寄香  
訊斷霞記省料輕鴻會照雙影更堪想一角朱樓小畫眉遠山  
靚趙北張南門徑羨買鄰計好沽酒邨近約略紅裊醉鴛鴦  
曲琵琶彈到絃冷汎舟路穩問榜人消息應準卻洲畔梅開歸  
趁春風未醒

尉遲杯

西湖感舊用周詢同潘少梅文作

平隄路正落照欲下城頭樹離離草色城陰前日鈿車來處東  
風宛轉吹不醒離魂夢南浦卻相逢柳外黃昏送他雙燕歸去

回頭海國浮雲難忘是園林坐石萍聚唱徹家山渾蕭瑟話  
幾許零歌斷舞如今又江深草闊但添得巴山一夜語問飄來  
甚處簫聲倚樓應是愁侶

湘春夜月

今年春初薛先生偕秦觀察楊太守送吳少宰于超  
山有梅邊送客圖紀事予以五月九日之官秀州雨  
後陰感賦此解

度芳洲綠波碧草茫茫便覺一片春情分付與離觴人在萬梅  
花下耐幾分風雪有幾分香卻畫橈載酒郵亭折柳別緒方長  
青袍似草飄零詞筆禪鬢蒼蒼玉笛聲中吹起了戀香雙羽  
花落江鄉修眉鏡閣等甚時重照梅妝算再到只空枝月影宵  
深漏斷還上船窗

詞六

三

一萼紅 吳山

黯愁煙看青青一片猶誤認眉山花發樓頭絮飛陌上春色還  
似當年翠苔畔曾容醉臥聽語笑風動畫秋千一曲琴絲十三  
爭柱原是人閒細數總成殘夢歎都迷蹤迹只有留連劫換  
紅羊巢空紫燕重來步步回旋儘消受雲飛雨散化胡蝶猶繞  
舊闌干不分中年到時直恁荒寒

憶舊游

九月八日紅豆詞人自禾中來踐登高約越曰大風雨  
不得出微吟寫怨遂成此解憶二十年前與魏滋伯丈  
楊紉士重九唱和有壽樓春詞回頭  
影事已墮秋煙兼道山陽之感矣

正瀟瀟風雨漠漠城闌如此重陽負了尋秋約怕登山臨水楚  
怨微茫廿年舊游蹤跡分付與衰楊算省識當時六朝衰屐九

日壺觴 秋涼綺懷減想似水僧寮潤到衣裳各有看花淚黯  
青袍顏色冷落餘香一任晝陰陰地愁雁語昏黃待洗出秋容  
明湖澹冶西子妝

金縷曲

唐鄭月夜懷勞平甫

木葉飛如雨繞空舟惟聞閨浪悄無人語篷背新霜侵衣袂冷  
壓釭花不吐料此際微吟閉戶三徑蕭蕭蓬蒿滿記從前裊展  
歡難補春去也惜遲暮飄零我亦泥中絮歎明明入懷月色  
夜深還去芳草變衰浮雲改況復美人黃土算生作有情原誤  
莫倚平生丹青手看尋常顏面皆行路哀與樂等閒度

霓裳中序第一

怡雲小築梅萼初發尋春未遲

詞六

三

緗萸展凍曆二月春風初著力江上蘼蕪弄色好盪箇吳舫試  
迎桃葉絲絲雨溼傍小池籠影清徹人清瘦乍調鶯語幾點上  
妝額清絕舊游會識看參橫玉梅如雪移根孤嶼拂拭倚竹  
生寒羅袖岑寂一枝親許折問三店雙橋信息歸來蚤商量眉  
黛留取夜闌說

虞美人

柔塵吹闇絲鞭道繡鞍知多少玉河柳色又今年消受飛花飛  
絮晚風前斜陽只合遲遲下我已魂消也殘妝有鏡更無人  
留得鏡中小影自溫存

霞明煙細還如舊只覺桃花瘦有風無雨過清明慣了天涯不

慣杜鵑聲 玲瓏格子鑪香裏只共梨花笑儻教吹笛影兒雙  
多謝四更山月照幽窗

點絳脣

臨平道中

側帽東風輕繞翦斷朝來雨去年客路愁聽車鈴語 黛色臨  
平影作眉痕聚春如許玉人心緒恐被眉痕誤

謁金門

春曉

人未起聽盡一湖春水林外杜鵑聲不已杜鵑華發未 多少  
深閨羅綺臨鏡不勝悲喜華發遲遲華落易留春須蚤計

山花子

曲曲銀屏畫折枝檐華欲笑向伊誰樓上輕寒羅袂薄最相思

詞六

五

時 頻拂粉絲鸞鏡暗午調筠管鳳簫遲綠鬢衰回渾不是少年

門外蕭郎駿馬行章臺初日踏歌聲妝閣夜長金穗落未分明

驚 黛掩唬眉山隱約笙調怨曲玉瓏玲胡蝶夢中單枕側不須

望江南

東風路如畫是家山草色卻隨流水綠夕陽只在有無閒燕子

話春寒

花犯

唐艸梅花林下作

倚東風看花霧冷芳心付流水去帆陰裏望暮雨朝雲無限離

思弄珠負了韶年紀前歡猶贖幾恁記省半江顏色嬋娟相料理  
無言繞花易黃昏依稀認窈窕文禽煙際仙袂舉疏枝外  
不禁憔悴漣漪碧晚來照影春夢好憐他鶯喚起但領取玉樓  
顰笑寒香生翠被

洞仙歌

初秋

楊枝弄碧繫天涯心眼幾日涼風便零亂畫橋邊一片流水無  
聲人獨立暮角將愁吹斷 春城煙雨裏如癡懶藁會拂檐華  
笑相見我已默聞歌玉簫蒼涼又吹起十年清怨問采采夫容  
隔西洲卻樹下門弄爲誰留戀

西河

用美成金陵詞韻題甘劍侯江上春歸圖

詞六

五

江上地長亭草樹猶記夢回故國渺鄉心斷鴻喚起萬方一概  
聽笳聲煙波來去無際 耿長劍何處倚楊枝渡口船繫烏衣  
巷畔有春風晚蘆故壘倒吹淚點上征衣知佗江水淮水 女  
牆夜月過小市照飛蓬歸來千里往事幾回塵世只龍蟠虎踞  
山形依舊還枕滔滔寒流裏

最高樓

金眉老煙雨尋鷗圖卷中有王冠甫通政陳實庵編修蔣鹿潭大使宗湘文郡守及眉老唱和詞

煙雨裏脈脈只悲秋風片薄酒波柔綠楊不是靈和樹白頭重  
上采菱舟百年身千古事一登樓 曾去也倡條和冶葉人去  
也斷雲還缺月涼別袂觸鄉愁相逢客路如南鴈欲尋舊窈窕問  
閒鷗贖華年與流水兩悠悠

蝶戀花 水香盃餞青

零亂楊枝千萬縷今日爲萍昨日還飛絮禪榻鬢絲青又去東風不伴閒華住 幾點繞簾梅子雨潤到屏山畫箇江潭樹門外天涯芳草莫眉顰深淺渾無語

南歌子

不煥臨分帶羞調已碎琴當時情竭爲知音憔悴青山何況舊羅襟 黃月如冰冷銀杯借淚深少年景事總銷沈只有微波來去到而今

瑣窗寒

連夕與子珍步月秋心渺緜感賦此解用玉田韻

淺酌吟香單衣卻燭晝闌同凭虛幃卷起月上一庭華景問何

詞六

去

時羽衣舞殘玉樓遠憶人閒冷恁無端葉底新霜不管井梧飄盡 苔潤尋芳徑便涼收翠扇煥餘金鼎含情寫怨誤了弄潮音信正閣中秋夢不成禪鬢海棠華下等傍妝臺鏡子團樂天涯歸未穩

齊天樂

許邁孫煮夢庵填詞圖

璉窗朱戶尋消息明蟾與華俱瘦病榻玄談柔鄉景事曾付青春消受微波似舊問弄度通辭箇儂知否老卻夫容晚鴛獨自戀珍偶 輕颺罷吹暗牖曲終人乍去離緒拖逗遠水長東殘雲漸暝笛裏情濃如酒閒吟醉後只煙外迷離故園楊柳便不相思隊歡何處有

浣溪沙

題樊雲門詞卷

別院東風著意吹，晶幰不卷雨霏霏。等閒過了牡丹時。花外  
燕鶯猶旆旆，酒邊箏笛沒參差。道人原不解相思。

記得華年是鏡中，背燈人面隔花風。天涯只在桂堂東。不語  
任佗瑤瑟冷回頭，已是畫屏空。十年影事忒怱怱。

綺羅香

題李愛伯戶部沅江秋思圖用梅笥韻

草瘦芳心柳迷倦，眼回首佳人遲莫。一片愁魂還被水雲留住。  
思故國，不隔西風，奈離緒尚縈南浦。最憐佗松柏同心，往來寂  
寞鈿車路。清秋江上望遠，祇恐回帆浪急，公今無渡。霧失峰  
青，蕉萃鏡中眉嫵。垂翠衷人憶當年，倚簾牀夢醒何處。恁禁得

詞六

七

彈冷箏絲瀟湘和鴈語

一萼紅

愛伯桃花聖解庵填詞圖

晝陰陰待題箏呢，酒華髮謝冠簪。歌管東風，星霜別夢前事都  
付銷沈。黛眉淺厭厭，睡損又喚起簾外怨春禽。杏子單衫梨花  
雙靨愁到而今。猶有平生詞筆，只空枝細草，日日傷心。木末  
關河雲中殿闕，風雨無伴，登臨頗重倚。如人寶瑟數絃，柱芳歲  
共侵尋，記得班雕繫門一寸花深。

長亭怨

燕臺愁雨和陶子珍

任愁緒鷓鴣鳴，嗚冷滑滑天街雨。昏煙暝潤，到單衾幾時成夢幾  
時醒。蚤蟬聲靜，獨自假金鼎，裏一縷餘香乍記得。渠儂燒臄

卻恨者珠歌翠舞付與曲廊人定妝臺鏡暗記會照月痕星  
影向客舍浥徧輕塵鎮蕭瑟與君同聽便去也吳孃休唱一般  
思省

二郎神

清秋夜集人月如畫當歡欲愁

吐雲華月便墮作鏡中嬌面正玉樹煙迷香蘭霧細賺得柔情  
似繭素扇携來團欒影有幾日輕涼相見思淺綠酒波低紅鐙  
穗儘容留戀聽徧晚樓倚篷不勝凄怨但婉變清歌碧天如  
水一片梁塵在眼寶瑟比人春華同笑芳景怕成秋苑還只恐  
後夜風風雨雨畫簾愁卷

解語花

陶少質珊瑚試香圖

詞六

六

花鏤寶蕊酒醺香波妙豔相思句卷簾微雨鑪煙裏小坐避人  
不語柔馨澹泞在幾曲銀屏深處清夜游微步珊珊椒滿車塵  
路我亦鳳城小住好沾蘭染麝姚冶游侶分囊傳帔都銷冷  
但有煖心一縷秋情未暮更繚繞月魂疑霧襟衷寒攜向天涯  
留舊痕如許

臨江仙

紀別

昨夜酒闌人未見玉郎從此天涯清秋倦客正思家十年景事  
回首夢京華不分車前重握手柔腸結了還加唬痕欲寫臉  
邊霞無言強忍怕染路旁花

度江雲

大觀亭同陽湖趙敬甫江夏鄭贊侯

大江流日夜空亭浪卷千里起悲心問華華不語幾處輕寒恁  
處好登臨春旛顫裏憐舊時人面難尋渾不似故山顏色鷺燕  
共沈吟 銷沈六朝裙屐百戰旌旗付漁樵高枕何處有藏雅  
細柳繫馬平林釣磯我亦垂綸手看斷雲飛過荒滄天未莫曠  
卉只是陰陰

謁金門

人寂寂江北江南春色繞樹輕煙迷倦客煙中山半額 榆火  
梨花時節獨自怎生將息簾外弄寒風又急子規聽不得  
空繾綣休認當年人面雨雨風風渾不管落華飛滿院 付與  
清明魂斷折得楊枝還短樹下門卉千里遠出門儂又嬾

詞六

五

煙雨裏十二闌干慵倚飛絮飛華人似醉生憎江上水 檢點  
羅衣殘淚帶眼莫將昏繫夢短夢長渾不記餘寒憐翠被

桂枝香

秦淮感秋

瑤流自碧便作就可憐如許秋色祇是煙籠水冷後庭歌歇簾  
波澹處留人景裏西風數聲長笛綵旗船舫華燈鼓吹無復消  
息 念舊事沈吟省識問會照當年惟有明月拾翠汀洲密意  
總成蕭瑟秦淮萬古多情水奈而今秋燕如客望中何限斜陽  
衰草大江南北

法曲獻仙音

蓋屋路山甫罷官客淮上

高柳無絲么荷非鏡賺得春人都老坐斷斜陽夢回行雨殘英

有枝空繞凝望眼江波渺離尊那堪倒  
渾閒了恁妝臺人時  
梳裏聽杜宇簾卷總成獨笑風雨滿天涯奈而今眉黛慵掃怕  
損魚鱗寄音書流宕難到問樓頭月色後夜隔華涼照

鵲橋仙

七夕感汾陽故事

羅雲愁薄緒風催莫燭照擊梧酒淺絳河淼淼向人垂是別淚  
經年流滿 江湖節序睽離心事忍記星期近遠尋常行路更  
何人問可有軒車相見

大酺

問政山中春雨

看舞榆低絲楊縮爭忍良辰拋擲無端敲竹雨響空階疑是故  
人雙屐枕溼爐寒杯空劍鏽吹鬢東風欺客勞勞亭前路便傷

詞六

三

心不似少年時節者人遠多忘書催難好付渠憐惜 泥塗遙  
望極望中見山外天空闊怕說與鷺兒巧囀蝶子輕翻待相逢  
翠幃將息煖到雙羅袖會記得牽羅顏色更長笛誰吹徹梅瓣  
都墜容易緗英收拾脆圓幾時薦席

木蘭華慢

桃花

過風風雨雨尙留得一叢花便欲舞還停如顰又笑巷曲人  
家胡麻賺儂老去者仙山一出是天涯消受趁時勻染靨邊片  
片朝霞 交加照水一枝斜鬢影誤年華記渡江用楫停辛竹  
苦別夢都差丹砂漫尋句漏向紅塵何處走雲車只是輕衾小  
簟從渠玉管金笳

浪淘沙

未雨已沈沈  
簾外輕陰淡  
黃柳色望中深  
一片東風吹乍起  
江上愁心  
倦眼阻登臨  
袖手閒尋雲  
雲愁海思兩難禁  
百草千花  
渾不解  
獨自沈吟

浣谿沙

是處樓臺是處風  
夕陽欲下可憐紅  
水晶簾外望玲瓏  
芳草生時人似雁  
鏡奩掩處鬢如蓬  
不成將息祇慙慙

大酺

奈枕常敲  
裘常攤  
愁病桃華時節  
紅芳原不改  
過蕭蕭風雨  
閨銷顏色  
燕姁鶯嬌  
梨昏柳暝  
哀樂何會  
忘得驚心  
長亭路但春

詞六

三

泥沒馬好留車  
轍便山欲化  
雲絮都成淚  
怨離傷別  
年年挑菜日  
怕多露門外  
青燕溼有幾許  
瑤琴餘恨  
淥酒餘歡  
到而今  
總成追憶  
更與吹橫玉  
還弄徹  
落梅淒切  
正迢遞  
斜陽驛嘶騎  
遙駐人在江城  
天末倚樓  
忍聽幾疊

訴衷情

梨花淡白自成村  
華下不開門  
春愁更與誰道  
憑燕子語黃昏  
簾乍捲  
簷巢痕與銷魂  
問伊來處  
綠草天涯  
有箇人人



